

საქართველოს კანონი
„საქართველოს ადმინისტრაციულ სამართალდარღვევათა კოდექსში
ცვლილების შეტანის შესახებ“

მუხლი 1. საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. კოდექსს დაემატოს შემდეგი შინაარსის 46⁵ და 46⁶ მუხლები:

„მუხლი 46⁵. ბავშვის მასობრივ გასართობ საცეკვაო ცენტრებში (ლამის კლუბებში) და ინტერნეტ სალონებსა და კაფეებში დაშვების წესების დარღვევა

1. საქართველოს კანონის „ბავშვის უფლებათა კოდექსი“ დადგენილი მასობრივ გასართობ საცეკვაო ცენტრებში (ლამის კლუბებში) და ინტერნეტ სალონებსა და კაფეებში ბავშვის დაშვების წესების დარღვევა -

გამოიწვევს საქმიანობის განმახორციელებელი სუბიექტის დაჯარიმებას 1000 ლარის ოდენობით.

2. იგივე ქმედება, ჩადენილი განმეორებით, –

გამოიწვევს დაჯარიმებას 3000 ლარის ოდენობით.

მუხლი 46⁶. საჯარო ღონისძიების ხელმძღვანელის მიერ საკუთარი ვალდებულებების შეუსრულებლობა

ბავშვის მონაწილეობით გამართული საჯარო ღონისძიების ხელმძღვანელის მიერ საქართველოს კანონის „ბავშვის უფლებათა კოდექსი“ დადგენილი ვალდებულებების შეუსრულებლობა -

გამოიწვევს დაჯარიმებას 1000 ლარის ოდენობით.“.

2. 139⁵ მუხლი ჩამოყალიბდეს შემდეგი რედაქციით:

„მუხლი 139⁵. გადამყვანი კომპანიის მიერ საქართველოს კანონმდებლობით დადგენილი ვალდებულების შეუსრულებლობა

1. გადამყვანი კომპანიის მიერ „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ საქართველოს კანონის მე-13 მუხლით დადგენილი ვალდებულების შეუსრულებლობა –

გამოიწვევს გადამყვანი კომპანიის ან გადამყვანი კომპანიის წარმომადგენლის დაჯარიმებას სახმელეთო ტრანსპორტის შემთხვევაში 300 ლარის ოდენობით, საზღვაო ტრანსპორტის შემთხვევაში – 1000 ლარის ოდენობით, ხოლო საჰაერო ტრანსპორტის შემთხვევაში – 1500 ლარის ოდენობით.

2. ბავშვების საბავშვო ღონისძიებებში მონაწილეობის მიზნით ტრანსპორტირება საქართველოს კანონის „ბავშვის უფლებების კოდექსი“ დადგენილი მოთხოვნების დარღვევით –

გამოიწვევს გადამყვანი კომპანიის ან გადამყვანი კომპანიის წარმომადგენლის დაჯარიმებას – 1000 ლარის ოდენობით.

შენიშვნა: ამ მუხლის მოქმედება არ ვრცელდება „უცხოელთა და მოქალაქეობის არმქონე პირთა სამართლებრივი მდგომარეობის შესახებ“ საქართველოს კანონის მე-13 მუხლის პირველი პუნქტის „ა“ ქვეპუნქტზე.“.

3. კოდექსს დაემატოს შემდეგი შინაარსის 144¹¹ და 144¹² მუხლები:

„მუხლი 144¹¹ მაუწყებლობის საშუალებებით გავრცელებული პროგრამების ასაკობრივი ნიშანდების და საეთერო დროის განსაზღვრის წესების დარღვევა

1. მაუწყებლობის საშუალებებით გავრცელებული პროგრამების ასაკობრივი ნიშანდების და საეთერო დროის განსაზღვრის წესების დარღვევა –

გამოიწვევს დაჯარიმებას 1000 ლარის ოდენობით.

2. იგივე ქმედება, ჩადენილი განმეორებით, –

გამოიწვევს დაჯარიმებას 3000 ლარის ოდენობით.

მუხლი 144¹². ინტერნეტ გვერდზე ბავშვისათვის საფრთხის შემცველი ინფორმაციის განთავსების და ზოგადსაგანმანათლებლო დაწესებულებებში,

ბიბლიოთეკებში და ბავშვთა სპეციალიზებულ დაწესებულებებში ბავშვის ინტერნეტ ქსელზე წვდომის წესების დარღვევა

1. ინტერნეტ გვერდზე ბავშვისათვის საფრთხის შემცველი ინფორმაციის განთავსების და ზოგადსაგანმანათლებლო დაწესებულებებში, ბიბლიოთეკებში და ბავშვთა სპეციალიზებულ დაწესებულებებში ბავშვის ინტერნეტ ქსელზე წვდომის წესების დარღვევა ან კონტროლის განხორციელებაზე უფლებამოსილი ორგანოს გადაწყვეტილების შეუსრულებლობა -

გამოიწვევს დაჯარიმებას 1000 ლარის ოდენობით.

2. იგივე ქმედება, ჩადენილი განმეორებით, -

გამოიწვევს დაჯარიმებას 3000 ლარის ოდენობით.“

4. კოდექსს დაემატოს შემდეგი შინაარსის 170¹ მუხლი:

„მუხლი 170¹. არასრულწლოვნისთვის განათლების მიღებაში ხელშეშლა

არასრულწლოვნის ჩაბმა ან/და გამოყენება ისეთი სამუშაოს შესასრულებლად, რომელიც ხელს უშლის განათლების მიღებაში ან საზიანოა მისი ჯანმრთელობის, ფიზიკური, გონებრივი, მორალური, ემოციური ან/და სოციალური განვითარებისთვის -

გამოიწვევს ფიზიკური პირის დაჯარიმებას 1000 ლარის ოდენობით, ხოლო იურიდიული პირისა - 2 000 ლარის ოდენობით.“.

5. 171³ მუხლი ჩამოყალიბდეს შემდეგი რედაქციით:

„მუხლი 171³. ინდუსტრიაში 18 წლამდე ასაკის პირის ჩაბმა

1. ინდუსტრიაში 18 წლამდე ასაკის პირის ჩაბმა, სადაც ხდება ალკოჰოლური სასმელების, ნარკოტიკული და ფსიქოტროპული სამკურნალო საშუალებების, თამბაქოს ნაწარმის წარმოება, დასაწყობება, ტრანსპორტირება ან რეალიზაცია

– გამოიწვევს დაჯარიმებას 5 000 ლარის ოდენობით.

2. ამ მუხლის პირველი ნაწილით გათვალისწინებული ქმედება, ჩადენილი განმეორებით, -

გამოიწვევს დაჯარიმებას 10 000 ლარის ოდენობით. “.

6. კოდექსს დაემატოს შემდეგი შინაარსის 172⁸ მუხლი:

„მუხლი 172⁸ საჯარო კინოჩვენებებზე ბავშვის დაშვების წესების დარღვევა

საჯარო კინოჩვენებებზე ბავშვის დაშვების წესების დარღვევა -

გამოიწვევს დაჯარიმებას 1000 ლარის ოდენობით.

2. იგივე ქმედება, ჩადენილი განმეორებით, -

გამოიწვევს დაჯარიმებას 5000 ლარის ოდენობით.“.

7. კოდექსს დაემატოს შემდეგი შინაარსის 172⁹ მუხლი:

„მუხლი 172⁹ ჟურნალ-გაზეთებისა და ბეჭდური მედიის სხვა სახის პუბლიკაციების ბავშვზე ხელმისაწვდომობის წესების დარღვევა

ჟურნალ-გაზეთებისა და ბეჭდური მედიის სხვა სახის პუბლიკაციების, რომლებიც შეიცავენ ბავშვისათვის საფრთხის შემცველ ინფორმაციას ბავშვზე მიყიდვა, ჩუქება ან სხვა ფორმით ხელმისაწვდომობა -

გამოიწვევს დაჯარიმებას 500 ლარის ოდენობით.

2. იგივე ქმედება, ჩადენილი განმეორებით, -

გამოიწვევს დაჯარიმებას 1000 ლარის ოდენობით.“.

8. 208 მუხლი ჩამოყალიბდეს შემდეგი რედაქციით:

„მუხლი 208. რაიონული (საქალაქო) სასამართლოს განსჯადი ადმინისტრაციულ სამართალდარღვევათა საქმეები

რაიონული (საქალაქო) სასამართლო განიხილავს ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 42¹ და 42² მუხლებით, 43-ე მუხლის მე-2 ნაწილით, 43¹-44³, 44⁵, 44⁷-44¹¹, 45-ე-46⁴, 48-ე, 49-ე, 50¹, 51-ე-55⁴, 56-ე, 57-ე-59-ე, 59²-მე-60, 60³-61¹, 63-ე-65-ე, 66-ე-69-ე, 71-ე, 71¹, 72¹-78-ე, 79¹-81-ე, 82¹, 82², 82⁵, 84-ე-86-ე, 87¹-89³, 91², 91³, 94-ე, 95-ე, 99-ე, 100¹, 100², 103¹, 104-ე და 105¹ მუხლებით, 127¹ მუხლის მე-5 ნაწილით, 128¹-128⁵, 143-ე, 144-ე, 144¹⁰, 145-ე, 146¹, 148-ე, 150-ე, 150¹, 151-ე, 152-ე, 152², 153-ე, 153¹ და 153³-153⁵ მუხლებით, 153⁶ მუხლის მე-2 და მე-5 ნაწილებით, 154-ე-154², 155¹ და 155² მუხლებით, 155³ მუხლის მე-11-მე-20 ნაწილებით, 155⁶ მუხლის მე-3-მე-5 ნაწილებით, 155⁷-155¹⁰, 156-ე, 157¹-158¹, 159-ე, 159¹, 159⁴-159¹⁰, 163-ე, 164-ე, 164⁴, 165¹-165³, 166-ე, 167-ე და 170¹ მუხლებით, 171-ე მუხლის მე-3 ნაწილით, 171²-171⁴ მუხლებით, 171⁵ მუხლის

პირველი, მე-2, მე-4-მე-6 და მე-8-მე-16 ნაწილებით, , 172-ე, 172⁴-172⁶, 173-ე, 173⁴-173⁷, 173⁹, 173¹² და 174¹ მუხლებით, 174¹⁵ მუხლის მე-4 ნაწილით, 175¹ და 175² მუხლებით, 177-ე მუხლის მე-4, მე-5, მე-8, მე-12 და მე-13 ნაწილებით, 177⁸, 177⁹, 177¹¹ და 177¹² მუხლებით, 177¹³ მუხლით (მხოლოდ ამ კოდექსის 245-ე მუხლის 4¹ ნაწილით გათვალისწინებულ შემთხვევაში), 178-ე, 179¹-179³, 180-ე და 181-ე მუხლებით, 181¹ მუხლის მე-2 ნაწილითა და 182-ე, 183-ე, 187-ე, 187¹, 189-ე, 192-ე, 195-ე, 196³, 196⁶, 197¹, 197² და 199¹ მუხლებით.“.

9. 209³ მუხლის პირველი ნაწილი ჩამოყალიბდეს შემდეგი რედაქციით:

„1. ამ კოდექსის 46⁵, 46⁶, 55⁵, 77¹ და 77² მუხლებით, 82⁵ მუხლით (პლასტიკის და ბიოდეგრადირებადი პარკების რეალიზაციის ნაწილში), 103-ე და 107²-107⁴ მუხლებით, 114² მუხლის მე-6 ნაწილით, 125-ე მუხლის მე-8 ნაწილით, 125²-125⁴ მუხლებით, 130-ე მუხლის მე-4 ნაწილის „ა“ ქვეპუნქტით, 135-ე-135⁴ მუხლებით, 139⁵ მუხლის მე-2 ნაწილით, 146¹ მუხლით, 148-ე მუხლის მე-3 და მე-4 ნაწილებით, 150-ე-150³ მუხლებით, 151-ე მუხლის მე-3 ნაწილით, 151¹, 151² და 152³ მუხლებით, 153⁶ მუხლის პირველი, მე-3 და მე-4 ნაწილებით და 153⁹, 156¹, 158³ - 158⁴, 172⁸ და 172⁹ მუხლებით გათვალისწინებულ ადმინისტრაციულ სამართალდარღვევათა საქმეებს განიხილავს მუნიციპალიტეტის აღმასრულებელი ორგანოს შესაბამისი სამსახური ან მის მიერ უფლებამოსილი პირი.“.

10. 228-ე მუხლი ჩამოყალიბდეს შემდეგი რედაქციით:

„მუხლი 228. საქართველოს კომუნიკაციების ეროვნული კომისია

ამ კოდექსის 141-ე, 142-ე, 144¹, 144³-144⁵, 144¹¹ და 144¹² მუხლებით გათვალისწინებულ ადმინისტრაციულ სამართალდარღვევათა საქმეების განხილვისა და ადმინისტრაციული სახდელების დადების უფლება აქვს საქართველოს კომუნიკაციების ეროვნულ კომისიას.“.

11. 239-ე მუხლის:

ა) მე-14 ნაწილის შემდეგ დაემატოს შემდეგი შინაარსის 14¹ ნაწილი:

„14¹. 46⁵, 46⁶, 139⁵ მუხლის მეორე ნაწილით, 172⁸ და 172⁹ მუხლებით გათვალისწინებულ ადმინისტრაციულ სამართალდარღვევათა შესახებ ოქმს ადგენს ბავშვის დაცვის და მხარდაჭერის მუნიციპალური სამსახურის შესაბამისი თანამდებობის პირი.“.

ბ) 35-ე ნაწილი ჩამოყალიბდეს შემდეგი რედაქციით:

„35. ამ კოდექსის 141-142-ე, 144¹, 144³–144⁵, 144¹¹ და 144¹² მუხლებით გათვალისწინებულ ადმინისტრაციულ სამართალდარღვევათა ოქმებს ადგენენ საქართველოს კომუნიკაციების ეროვნული კომისიის უფლებამოსილი პირები.“.

გ) 60¹ ნაწილი ჩამოყალიბდეს შემდეგი რედაქციით:

„ 60¹. ამ კოდექსის 139⁵ მუხლი პირველი ნაწილით, 155-ე, 170-ე-171-ე და 172-ე მუხლებით გათვალისწინებულ ადმინისტრაციულ სამართალდარღვევათა შესახებ ოქმებს ადგენენ შინაგან საქმეთა ორგანოების უფლებამოსილი პირები.“.

12. 240¹ მუხლის პირველი ნაწილი ჩამოყალიბდეს შემდეგი რედაქციით:

„1. ამ კოდექსის 46⁵, 46⁶, მუხლებით, 103-ე და 107⁴ მუხლებით, 114² მუხლის მე-6 ნაწილით, 125-ე მუხლის მე-8 ნაწილით, 125² მუხლით, 125³ მუხლის მე-4 და მე-5 ნაწილებით, 125⁴ მუხლით, 130-ე მუხლის მე-4 ნაწილის „ა“ ქვეპუნქტით, 135-ე-135⁴, 139⁵ მუხლის მე-2 ნაწილით, 172⁸ და 172⁹ მუხლებით და 153⁶ მუხლის მე-2 ნაწილით გათვალისწინებულ შემთხვევებში ადმინისტრაციული სამართალდარღვევის ოქმის შინაარსს და მისი გამოწერის წესს განსაზღვრავს მუნიციპალიტეტის წარმომადგენლობითი ორგანო.“.

13. 252-ე მუხლის მე-2 ნაწილი ჩამოყალიბდეს შემდეგი რედაქციით:

„2. ამ კოდექსის 45-ე, 45¹, 48-ე, 49-ე, 50¹, 51-ე-56-ე და 57-ე-57² მუხლებით, 57³ მუხლის მე-2 ნაწილით, 57⁴-59-ე, 59²-მე-60, 60³-61¹, 63-ე-65-ე, 66-ე-69-ე, 69⁴, 69⁵, 71-ე, 72¹-78-ე, 79¹-81-ე, 82² და 84-ე-85⁵ მუხლებით, 86-ე მუხლის მე-12 ნაწილით, 88-ე-89³, 91², 92¹, 94-ე, 95-ე, 96¹, 96², 96⁴, 98¹, 99-ე, 100¹, 100², 103-ე-104-ე, 105¹, 134-ე, 135-ე, 143-ე, 144-ე, 145-ე, 146¹, 148-ე-152-ე, 152², 152³, 153-ე, 153¹, 153³-153⁶, 154-ე-154², 156-ე, 157¹-158-ე, 164-ე, 164⁴, 165-ე, 165¹, 166-ე, 167-ე, 170-ე და 170¹ მუხლებით, 171-ე მუხლის მე-3 ნაწილით, 172-ე მუხლის მე-3 ნაწილით და 172⁴, 172⁸-172⁹, 173-ე-173², 173⁶, 173⁷, 173⁹, 174-ე-174², 175-ე-175², 177¹, 177⁸, 177⁹, 179², 180-ე-183¹, 185-ე-185²,

187-ე, 187¹, 189-ე, 192-ე, 195-ე, 196³, 197¹ და 199¹ მუხლებით გათვალისწინებულ ადმინისტრაციულ სამართალდარღვევათა საქმეების განხილვისას ადმინისტრაციულ პასუხისგებაში მიცემული პირის დასწრება სავალდებულოა. თუ ეს პირი თავს არიდებს შინაგან საქმეთა ორგანოს ან ადმინისტრაციული სასამართლოს (მოსამართლის) გამოძახებით გამოცხადებას, იგი შეიძლება იძულებით იქნეს მიყვანილი შინაგან საქმეთა ორგანოს მიერ.“.

მუხლი 2. ეს კანონი ამოქმედდეს 2020 წლის 1 ივნისიდან

საქართველოს პრეზიდენტი

სალომე ზურაბიშვილი